


四庫全書存目叢書編纂委員會編



齊魯書社

四庫全書存目叢書

集部
第二七三冊

責任編輯：孫言誠 賀 偉

ISBN 7-5333-0615-5




EB41/03

四庫全書存目叢書·集部二七三

(大陸版·限中國大陸發行)

四庫全書存目叢書編纂委員會編



齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 54.375印張

1997年7月第1版 1997年7月第1次印刷

印數 1—100

ISBN 7-5333-0615-5

Z·60 集部定價：127800圓

集部第二七三冊目次

集部·別集類

鍾水堂詩三卷

〔清〕顏肇維撰
南京圖書館藏清雍正刻本

一

桐乳齋詩集十二卷

〔清〕梁文瀛撰
上海圖書館藏清乾隆十二年刻本

二六

雪根清壑山房詩一卷觀稼樓詩二卷吳船書屋詩一卷楓香集一卷

〔清〕朱綱撰
山東大學圖書館藏清道光刻濟南朱氏詩文集編本

一三七

吾友于齋詩鈔八卷

〔清〕張錫爵撰
復旦大學圖書館藏清乾隆刻本

一八九

樹人堂詩七卷多博吟一卷蒐遺一卷

〔清〕帥念祖撰
江西省圖書館藏清光緒奉新帥氏綠窗刻帥氏清芬集本

二五五

涵有堂詩文集不分卷

〔清〕游紹安撰
江西省圖書館藏稿本

三二四

南陔堂詩集十二卷

〔清〕徐以升撰
北京師範大學圖書館藏清乾隆二十六年刻本

六〇七

己山先生文集十卷別集四卷

〔清〕王步青撰

北京師範大學圖書館藏清乾隆敦復堂刻本

..... 七一二

鍾水堂詩三卷

〔清〕顏肇維撰

南京圖書館藏清雍正刻本

附《四庫全書總目·鍾水堂詩

三卷》提要

風老白蘋漁子船曾聞湖嘯記當年洪濤黑夜帶網
攜向城中不值錢

餘不溪邊雁影稀窪尊亭上鱗匡肥風烟偏是重陽好
應使遊人不肯歸

茱萸花徧水雲鄉明日登高插髻傍莫怪離家今六月
幾迴醉向少年場

虎阜

穿雲塔影夕陽中幾處笙歌接梵宮短簿祠邊吟夜月
真娘墓上問春風桃花一路人家隔芳草千年故國空
歸向蓬窗還悵望半塘漁火小橋紅

平山堂懷許道允

卷二

淮海詩人舊作家楊州佳客是生涯新晴閣影千尋碧
遠看江流上帶斜二月酒旗懷杜牧三秋楊柳病侯巴
自從王粲登樓後不記東風幾歲華

閒意

野性渾如縱壑魚明知老去尚迂疎先疇久分投閒地
政府從無干謁書花放痴情還自笑柳含離緒欲何如
短籬種得秋芳晚睡起時來一荷鉏

喜雨

茅屋春深靜不喧雨聲一夜打柴門好風送處林花濕
嫩日晴初野水渾引蔓葡萄青滿巷分芽甘菊綠侵盆
喜聽布穀朝來喚擬課耕耘出近村

原缺第一葉

洛陽

瘦馬荒林酒欲醒
洛陽舊已凋零
梅花綠野春何處
榆葉沙城曲乍聽
落日漢唐故墓東
風二十五長亭
行人雨後嶠函路
百里關河一半青

安邑鹽池

一水發中條方圓
滙如鏡遠割矣為色近融
夏日映產鹽似白沙畦
汙互凌橫不謂勺水多
能操造物柄漢時重鹽
法用制匈奴命後儒言
利國亦不廢鹽政立法
不知道有利即有病
深沉者時賢勿具曰子
聖試上南薰樓俯瞰波
浪淨悱然動遠懷南風
吹月令

清華鎮

卷八

竹裏流泉三十里
春風分水到柴門
行人走馬淇園路
數盡簷簷幾萬根

壬午早春朱子素存招遊龍洞同遊者李子向南

趙子季頌黃子仲通李子子疑

殘雲濟水南出城
雪已霽投林有故人
遂與此山契遠岡尚
平衍近峰即奇銳
杳然何處村下馬尋
田畝來陰冰未釋
暗噴泉初沸鐘乳互
響答頑穴多碎細一
洞不可測謂有蛟龍
憩斜日春猶寒河沙
如冬際且盡朱家酒
一醉忘迢遞作書與
裴廸別業非人世

餞春

廿八已迎夏餞春在廿九
匆匆三月中誰實為之趣
通

煙運元化而焉有樞紐
春事已告終功成不自有
炎德方娠兆萬物為芻狗
晝夜儼如斯至理孰能剖

懷巢司寇寄齋

京華一別十年餘
空谷誰傳長者車
昔友情深存陋巷
他時夢遠記南徐
莫將雅望開山履
好趁春晴試筍輿
休沐日多忘宦業
遼東原是幼安居

燕寺東莊

一鞭斜指荒隄路
綠陰柴關樹底開
明月自閒秋草靜
喜無車馬破蒼苔

南望黃河北負隄
柳枝一帶與樓齊
荒田却憶陶元亮

種秫全留村舍西

卷九

四

離離豆麥半登塲
雨足新晴種麥忙
地僻野人猶近古
壺漿自在話斜陽

寄王廷尉巨峰

平生懷抱清如此
朝驚江鷗總狎盟
覆酒窗邊尋舊約
著暮人過喜秋晴
抗疏豈有功名念
迴日方知斧鉞行
敢向塵中誇賞識
品題空累茂光名

井陘

一徑真天險崎嶇
是井陘白沙餘虎
跡黃葉雜鐘聲東
國雖無歲西陲近
罷兵中宵風起處
月照古時營

祈縣

祈奚墓邊春草生
麓臺山上臘雪晴
東歸又入新年路

賈令驛前客自行

壽陽懷古

寒山古店壽陽路往事空傳李樂師誰料越公垂老後
不能留得一家姬

太行山絕句

山勢紆迴遠漸奇土坡斜斷石稜危太行三日行不盡
瘦馬空村酒一卮

老松風折半千畫

龔賢字半千金陵人

黃葉霜含秋史詩

王草字秋史濟

嶺山過孟門成二妙不禁勒馬看多時

澗雪陰陰枯木枝一峰一嶺上朝曦村中畏虎開門晚

莫怪行人起太遲

卷一

五

銅雀臺

銅雀春迴暮雨新西陵無復舊時人荒村尚有袁紹墓
一樹梨花漳水濱

輝縣

晚投康叔國城郭雨聲重行李延津渡思鄉王柱峰來
禽初結子郁李發猶濃莫問太行險前途多虎蹤

邯鄲懷古

荒荒落日邯鄲道黃風吹沙甘棠倒崇禎之末天紀淪
太監監軍軍夜奔聞有真人在長白偏師暗出銅鞮陌
殺人載婦女夜騎啾啾寒天碧我祖平原之子孫烽火
刺城畫守策趙人習射皆冠軍張校戰尤識主客三日

解重圍論功上幕府天子坐明堂行軍問主簿盧植有

才常侍連周處雖勇嬖倖怒亂兵屠城甚於虎生擒亂

兵膏血累鼓飛章反詭具可歎喪師謂由顏邯鄲何人

百口保廉頗檻車早當赦書還堅城義士今豈少直令

河間繼常山村中野老指故壘我默何能開心顏荒祠

春盡蘋繁少千古黃梁一夢間

重過歷下亭

日時輕舸入青冥滿城如見嵒華星老思授業人何處
年少題詩記此亭秋社湖頭餘柳浪東藩海右剩山青

重來水際沽殘酒風雨蕭騷醉不醒

癸巳出都別徐大司成

卷二

六

曾慕當年下澤車盧溝橋畔客騎驢暫時絳帳連晨夕

欲向萱堂問起居芳草落花粘雨濕新蟬曳樹帶風疎

但教國子畱韓愈未忍還家久荷鉏

上楊石湖通政

東風吹動進賢冠珍重今朝得識韓楊柳一城春令布
梅花滿路使臣看更邀駟馬來顏巷默捧丹書拜杏

壇且喜朝廷重儒術不將鹽鐵相桓寬

寄石荔園

春殘日日掩雙扉開盡庭花鹿韭肥老友空山歸去久
故人白髮看來稀愁隨泗水晴雲結夢逐琴臺柳絮飛

鉏柄暫停能憶否滿溪鳥語夕陽微

憶德安司馬王桐木

東盡瑯琊九點烟三齊人物只君賢贈刀應兆孟州夢
束帶初開槎水船明盛肯教滕甫謫風流已並左思傳
繁霜叢菊更相憶猶記別時飛柳綿

送秋史

三日山程幾百旋算君到日正除年白頭負米詩無敵
寒氣侵人酒失權名世才應殷李上卜居宅近嶠嶺邊
還思秋浪江東棹三千年來各惘然

寄黃固山人

廿載讀書處韓蒼泉上村白頭更相見落日到衙門
字人來少論詩子尚存漫將松雪硯留贈與元孫

卷一

勿勿歲云晚悠悠別思生寒風吹落葉窗外似人行長
白山中路桐圭漢代城徘徊從此別冰雪暮烟清

贈銅臺孔司馬

翩翩風雅絕塵寰年少題輿未可攀人愛韓陵一片石
馬穿伊闕五朝山沅河已遣魚龍臥為政何妨臂吏閒
聞道臨漳銅雀古西園客散幾時還

秋夜雜詩

絡角星河露氣橫長吟亦自慰生平燈移木榻初開卷
老去詩篇不近名流火已催殘暑退驚蟬偏趁月光鳴
比來那計時賢笑自製荷衣覺歎清
支離病體似懷安身世原輸靜裏看休怪笑啼多不敢

邇來歌嘯總無端山妻悼女秋閨冷小婢糊衣楮紙寒
可奈課兒兒已睡更深老眼對燈殘

上陳滄洲先生

江湖謫遣有風波暇日無妨更放歌楚俗應知騷些少
詩才還似拾遺多淮隄久築素公浦黃水新吞瓠子河
最喜元冥來充豫登龍今日幸如何

題朱邳州小照

人愛淮陰葛繹山桂叢深處擁烟鬟雲根趺坐澤無事
隱隱隔林喚小蠻

舟次淮安訪蔣湘帆別後即寄

寧為無根萍不為長流水萍蹤有時合流水去不己憶

卷一

昔相逢在駕湖郎君白智初有鬚脫劍評文接息比淋
滿襟袖墨濡枯自我返魯羽翮倦臨水登山不相見重

光之歲忽來過酒龍花下過老戰終緯聲淒促離筵別
君時有雁魚還辛已添丁今已冠時子舉韶光轉眼二

偽兒

十年今歲訪君淮水上夏鶯啼老林於長乍見恍疑是
夢中音語雖識煩想像幾年不聽錢塘潮白頭白盡影

蕭蕭欲著子虛無拘監文章聲價輕羽毛客愁脉脉不

得志為我壁囊書大字魚肥飯細晚留賓重出帳底書
相示酒醒輕身去若飛忘把奇書共載歸作客未久歸

何急只恐宣親續鹿闌迴頭淮水聲鳴咽暮樹朝雲傷
離別秋風又吹哀浦行期君同醉中秋月

答子疑李太史時賜老臣宴

歸來表浦閑關時滿紙傳來供奉詩離緒已經三度雪
孤懷拚得一生癡露明銅掌誰先賜宴侍 乾清髯欲
絲聞道新方鈔辟設金門常有歲星饑

雪後

雪色侵簾老眼明春旛又復動心情烘窗嫩日衝寒上
破曉饑鳥繞樹鳴纔見草痕隨處長閒尋梅萼下堦行
泥融暖氣人深坐已具犁鉏欲試耕

授書紀輩

終將御索策枯魚長夜教兒讀破書博井酒旗堂故在
飲場賭具汝何如五男不慧空陶令老子知非慚衛蘧

卷一

九

昔日髫齡今抱子春風轉眼歲華除

送孔榆村之汴

行李蕭蕭問大梁麥舟何日還相將夷門月冷候生老
官渡烟銷霸業荒花雨不愁泥路滑柳絲更向短亭長
遙知懷古吹臺侶帶識重來小岸堂

別中年令章梅湖

耳熱縱談君共我年穉不解是疎狂馬蹄歇處風塵老
羊腩烹時歲月忙填海無端勞計畫漂洋何乃問津梁
太行東畔迴車路望斷閒雲客夢長

劉村訪朴菴李觀察時做裝矣

僻路言尋冠蓋翁到來門掩日方中豆花半落綠籬上

山棗新收滿箱紅河內地偏留廢墨水衡錢急問秋風
啼蛩莫促臨岐客樹影斜移馬首東

歸田園作

白歸恰到茶更節拄杖無勞更倚門人以倦遊甘學圃
書從乍理懶窺園城隍市賤添新志菊本秋荒少酒痕
亦有閒情時覓句吁兒仲紙許評論

龍灣即事

斷岸抱龍灣草樹接平楚耕事問新畬春禽狎沙渚策
馬向孤村茅屋籠烟雨

太守梁夢嘯題 先君子遺像感懷

我生未二十失怙無所倚奉母返故山葺廬供薪水讀

卷十

十

我數卷書塵漬字半毀負郭二頃田年荒廢耘耔怒需
念先業析薪室自恥天涯賴故人幸不棄茲菲談公承
駿烈蹀躞雲衢裏傾蓋在村溪解紛記燕市浦水與山
雲經年於茲矣今者公爲郡吟詩庶務理春雨澆游氛
輕風吹蘭芷清晝簿書稀淳風挽頽靡訪舊過柴門眷
眷情何已憶昔銀臺公皇華向闕里先君遺像存披圖
數注規感激爲題詩江河流不止公用慕前修鄭重復
書此與簡意激昂大雅世莫比既咏世德休復誦清芬
某鄙人樸素懷亦以慰先子

宣武坊舊詩題李丈襄題額

相國留題三十載重來掃地坐斜暉舊巢未信堂中燕

新夢斑斕身上衣，委巷自宜閒客少。比鄰何事故人非，驚心轉憶童遊處。幾井修垣願未違。

寓陵詩寺

招提兩度月華清，次第春風動客情。沽酒壚邊初禁火，賣餠聲裏過清明。短時膏雨傳千里，觸緒荒雞咽五更。好載錦裝，御廚宴高堂，準擬笑顏生。

李太史子凝買酒話別

莫笑野人歸興濃，倚門遙憶柱方筇。花時酒債分官俸，春盡縣衣役衲縫。別緒何年悲逝水，驚心此地愧晨鐘。月明定有重來夢，知在西山第幾峰。

出都後卻寄玉侍御琴麓

卷一

十一

白歸日日夢同遊，戴笠乘車志已酬。御史初銜新簡命，烏衣仍帶舊風流。盧溝寒食曾停屐，羅酒春宵漫送鉤。朝罷西窗應剪燭，也曾念到故人否。

寄歙州宋介山

今春客京師，得識宋氏子。不意風塵中，亡語成知己。春盡返故山，魂夢自茲始。贈我碧琅玕，時時藏袖裏。猶憶論文時，轉眼隔千壑。君所不致身，浩歌老燕市。方知志匪他，處處良有以。家無二頃田，那足供食指。不能拂衣去，垂釣新安水。

寄桐城姚引澗

姚生真國士，一見即傾心。晨夕同羈旅，交游念古今。草

深蕭寺綠花發，御溝深惆悵還分。手忍令華髮侵，積翠晴初日西山。入望迷海榴，還應節江燕。未安栖舊，兩地時夢天涯。何處難遙聞，較書夜只許照青藜。

歸來

歸來鎮日坐西樓，說得從前大半愁。榨酒偏逢人病酒，補詩仍是自刪詩。鶴殘短草迴松徑，燕掠飛花到墨池。手把編年顛倒看，林間拂面野風吹。

哭家弟承緒中翰

少小晨昏同硯席，十年憶備在京華。囊空薄宦渾如客，俸少無錢可給家。化鶴歸時孤鶴冷，遺經焚處旅魂嗟。高平婚嫁知何日，惟有荒林噪暮鴉。

卷一

三

輓濟南朱子素存

雪霽明湖共對春，禹登山嶺好紀遊。頻幾年來草里，公子明月秋風哭美人。

人在元龍百尺樓，黃金散盡為交游。田文死後無賓客，駭管齊山四十秋。

白雪樓頭絳帳垂，感君匹馬到來時。月明送客泉聲裡，隔水猶聞唱竹枝。

人家生子如孫仲，得婿余誇王右軍。白首山陽雙泪落，床陳村裏舊東君。

詩如林逋曉風，欽守似吳興。有逸情不信東山終不起，卻教彈鋏哭先生。

湖干春盡暫停車出處關心計未疎何意遽成泉下別
青山華髮冷樵漁

為陳大題雪裏樵歌畫扇

秋雨初晴午風熱桐陰解夏夏蟲咽有客過門求題扇
上寫樵聲在寒雪花生作此非無意筆驅滕大走風穴
寒飈刁刁萬木僵白氣茫茫千山滅大澤遠水勢凸凹
短日匿光頑似鐵被衾人去暑仍橫車輒沒腰柴擔折
背城路斷啼鴉多村中犬吠炊烟絕何處啁啾叩斧歌
餒腸冰冷敲指血百里無人誰相和哀音滿壑自勞苦
草頭露貴何足論明于冷處托晚節樵歌即子之苦吟
白雪即子之傲骨藏之懷袖待歲寒魄乃殘雪傳唱裂

卷一

送孔北沙宰寶山

任延年少來驚奇再見侯斯五咏詩治號衝繁官特
簡地分圖籍縣新披三秋畫舫楓橋路十月梅花燈
祠白鶴江頭重作宰應知還似永豐時

過任城黃氏感懷

霜冷南池濟水蒼故家喬木臥殘陽素琴挂壁無絃久
遠笛隔隣寫怨長灘路馬嘶歸舊橋酸心人拜問中唐
重來何事偏多感只此酒壚尚姓黃

登萊徐觀察在顧山堂

春殘亭院野花繁桑園關門客過稀自分樵漁甘陋巷
誰將車騎款柴扉不妨對酒來官長也許論交到布衣

臥治東方詩思好招尋寧遣簿書違

春日東陳城南

為惜春歸貪早起鼠姑花放燕將雛閒中風物誰能會
信道園林屬老夫

新歲堆杯飯一盂禽簾外喚提壺看花饒客能來否
傳語今朝恰斷屠

東雙南

絳帳談經歲月深詩人驚見二毛侵閒門不是為君掃
薄酒還須對子斟花事將殘留日照天時無雨作春陰
宵來定有江南夢燕燕巢成感客心

寄高堰別駕孔德彰

卷一

昔歲曾同博望槎君勞玉事我還家我因懷鶴聞三選
君應功名走傳車哀鴻魚多知海近淮陽米賤入漕賒
相逢濁酒論文舊佐郡還期共燭邪

吳太守陞辰沅觀察

鬱鬱載咏白駒歌杜甫臺邊祖道多薛北滕南俱治譜
槃飢莊騶又思波汶陽日暖初登歲南服烟銷久釋戈
豈為丹砂輕去郡題銅柱定如何
種樹歌成四野歡訟堂臥治樂劉寬贖兒不惜分常俸
鉏耨何曾避世官別路心情隨沅芷懷人詩句到銅安
遙知此去驚蠻獠無愧當年解豸冠
請謁何嘗有故人爭知太守自清貧賣刀此後思其遂

遮道今方借冠帽，浮朴猶存東魯俗。文章欲化五溪民，他年持節重來日，虛安奎婁得歲新。

出守四年棠陰長，脫縣致聘豈能忘。詩名老去依嚴武，花徑春來訪草堂。白簡青袍驚繼起，牙旗畫角永相望。

何時微祿叨陪從，重接清光到沅湘。

餞歲丁未

春風已動綠楊枝，落拓吟懷髮欲絲。舊德可甘家食好，老年始悔讀書遲。里中索米酬亡友，燈下牽衣笏幼兒。最喜辛盤除夜裏，冰魚海上到來時。

漫翁冬不逐晴妍，春到梅花柏葉邊。飯染青糲分子舍，蓬能悔過說賓筵。梅楊漸欲生穉綠，霽日如同挾纈眠。

卷二

五

甘讓兒曹誇得歲，東風吹處古斜川。

鍾水堂詩 卷一終

鍾水堂詩 下卷

曲阜 顏肇維 次雷氏 著

得家書二首

半生蹤跡總由天，名落人間五十年。白眼三春空駿骨，青藜一卷廢高眠。看錢囊底羞工部，索句圖中對老蓮。時得章侯書，近報平安鄉里信，殷勤為問幾時還。

巧筆畫臺事已殘，仍將餘閨作春寒。旅懷欲睡常中酒，老境多岐懶據鞍。泗上麥秋傳足雨，書中兒輩勸加餐。少年自分宦情少，垂暮何須更說官。

寄婦

故園風雨半封苔，舊事驚心憶老萊。梁燕已成空，舊雨

卷二

江魚喜見尺書來，綠鬢黃髮樂桃虛。西牖收蘭縷，車蔭古槐

燕邸雜憶

故人幾輩半疎慵，垂老金門善病中。何事乍逢紅杏雨，無端已過棟花風。

乍驚曉夢一聲雞，菜擔花籠小市西。多事舊聞朱竹垞，不如阮咏自無歸。

春風無那又清和，日日殘編入醉哦。莫怪漫翁深院閉，邇來耆舊已無多。

寄子敬孔三

溫泉吟客近何如，楊子空庭只著書。飛蝶撲簾花落後，

眠蠶上箔午晴初泥深土屋人收麥雨近黃梅野荷鉏
却笑京塵閒畫永夢魂時到水雲居

送程扶九歸平陰

春去燕山暑又徂繇然歸計是吾徒行藏與爾休同調
需次逢人愧老夫蓴菜入秋絲滑滑芹羹欲獻笑區區
輸君此去鄉園裏黃葉烟村盡有無

移居舊宅

修我屋垣旋治竈僑居舊主又移家兩三張紙從糊壁
五七文錢儘買花北闕飛雲籠小院西山落日送餘
霞秋來不覺涼生草月上窗榜下幌紗

秋月

卷二

秋露湛然白涼新草未收團樂天際月弄影暗窺樓
我來逢社燕修見塞鴻還屈指中秋月於今七上絃
歸信幾番寄教將桂魄看家園兒女月轉惹憶長安
童子垂頭睡主人坐綠燈當杯如水月一榻似孤僧

封大理餽羅酒

着水分明味更醇長河人送甕頭春簾開寒月應同色
客到僧房共入唐國子麴生調笑久侍郎墨露得名新
擬將酒德爲君頌不道平原有鬲津

戊申元日

曆頭花甲看將終老至那知一漫翁燈炮猶矜書字細
興來頓覺據鞍雄乍醒春夢忘瞋喜常悔狂談羨臆驕

麴爾卜官羞幻想只從晴雨問年豐

贈周祠部紫昂先生

乍看珠榜出天上旋乞祠官奉孝陵刀筆豈遵秦相
法文章敢避魯儒能此來新雨惟吾子十載隣居少舊
僧相訪每當趨省後似憐孤客意難勝

鹽間

官城久客似安居猶是先人舊敝廬解凍條風雙闕
下當春杜燕午晴初庭因向日冬無雪厨喜留賓食有
魚旅舍孤懷殊自慰年來消受半牀書

題索句圖

卷二

妙墨銷沉廟市烟得來能費幾文錢此中豈可容君輩
會遠當時有淚緣詩到無聲休着想老因何故便歸禪
南城月上霜鐘動半醉參量不肯眠

對鏡

鏡裏霜花著眼驚豈甘不字十年貞千人只有福生刺
看劍空餘杜老情已謝隸奴新折東何妨吳越作同盟
西時雨歇黃牛健春到龍灣正試耕

無庸嘲我慕輕肥我意應朝去住違故園鶯花吹斷夢
長安風雪臥雙扉岐途老馬猶能識古調彈琴又恐非
種種二毛明鏡裏不堪把玩對春暉

贈洛陽李先生

吳音重疊唱陽關娶婦爭傳謝阿蠻楊柳笛中春正好

梅花窗下月初彎朝時漫說添香去社日先教割肉還
不是吟成知洛下與君猶自隔蓬山

將之浙水言懷誌別

老至惟愁負主知一聞明詔便星馳只宜自分還
存我縱欲干人已後時斜日下坡留返照青蟲滿樹引
秋絲於今拚却田園樂更問西湖剩芟期

一林清樹媚秋光雨後藤蘿過短牆事業縱難如管樂
刑名豈肯學申商身隨越水新官舫夢在龍灣舊草堂
試問吾家眾兄弟蒸梨剝棗憶疎狂

夜來微雨送新寒一繫孤舟亂水灘地喜舊游懸墨綬
人雖初宦尚儒冠村中九日花誰把湖上中秋月自看

卷二

四

只有新詩無甲子何時歸理舊漁竿

十年清夢繞南徐醉後扁舟任所如山寺路迷傳午磬
江城雨過賣鱸魚宦情少日已忘卻阿堵他年憶月諸
欲寄相知衆耆舊閒中莫惜數行書

踵韻留別世尹季玉

十載城西儘浪遊漫將白髮寄扁舟題名舊客湖心寺
落日懷人江上樓老我風濤終世俗與君離別正初秋
此行便計歸田事仙令吟成次第酬

登韜光閣與松岳僧話舊

十里山腰石徑平竹根葉底走泉聲水邊喬木多歸鳥
寺外酒家仍舊名屐齒因風來葛嶺潮頭帶月過杭城

煮茶饒有山僧在曾記題詩萬古情

杭州舊夢幾年遙六一泉頭尚寂寥秋意半生湖上水
晚船飛趁浙中潮竹間法雨時時響世外塵心漸漸消
山寺題名非舊識天留松岳問前朝

九日曹城江舟中遣興

兩年菊事不相同九日澄江又向東一雨無端驚節物
微官自分任窮通青螺幾曲都含翠烏桕千林半欲紅
濁酒故園何處好天台渺渺暮雲中

輓江寧令孔北沙

寒夜黃花酒似醺與君離別憶秋燈新分花縣表吳苑
近說移官到秣陵汶水環村門未改孔林歸櫬鶴無憑

卷二

五

相期白首今何處咄微青更不應

輕裘不愧羊叔子嗜酒真同阮步兵生負奇才偏命薄
歿無長物笑官清京華剪燭十年外海上傷心萬里程
抄就秘書都未達枉教張范擅前名

戊申秋僑兒偕余南渡除夕齡兒來圍爐作

經秋病瘡逼殘臘五月纔看鄉里書瀕海人家多信鬼
半年客况歎無魚西華南渡同風雪東里新來問起居
收拾辛盤司戶巷幾巡蠻酒歲華除

新昌道中

惜春何處鳴鶻鴒春盡餘寒如二月穠陰綠遍剡溪山
杜鵑一路飛紅血

斑竹

箇閣倚翠屏，瀟瀟流泉布樹密，綠陰肥，遮斷愁來路。

署中葺屋四首

櫻筍風光四月時，東園爭似故園期。共看循吏新題額，扶起先朝舊賜碑。山少世情常不改，鳥無機事晚相窺。比來雖負田間樂，為報官衙葺屋詩。

老屋重開結構牢，符簷戶牖映林皋。松間說餅花飄粉，桑上鳴鳩繭欲纈。臥治難臻憑午夢，縑塵那可染青袍。誰憐辜負梁桑酒，漫道無人解佩刀。

山頭兩塔正當門，乳燕鳴蛙遠似村。江上鱗魚新落網，堂前舊竹又生孫。親朋西北空繁念，歲月東南忍負恩。

卷二

六

一局棋聲春已暮，盤牙濁酒與誰論。

課農禱雨事無涯，飯後能來路不賒。繞徑宜栽女貞子，隔籬徧種程鵲花。彈琴簾外眠仙鹿，改火軒頭摘露茶。最是憐夫能作達，頭銜忘却戴烏紗。

種花二首

買得名花百種鮮，栽成已負艷陽天。秋間有果仍堪食，月下聞香不肯眠。偶爾適情非吏隱，他時相憶借詩傳。樂天坡老皆無分，我來又雪顛。

曉起軒窗四面開，焚香疑坐小蓬萊。奇花半自看山得，澆灌還從學圃來。豆蔻嫩時愁鳥雀，勾芒節過暗樓臺。晒衣啜茗都堪笑，珍重閒心手自栽。

寄九叔

別當去年秋水漲，泗河坼八月抵杭州。九月臨海縣臨海異故鄉風，冷瘡為患三旬偃木榻。簿書紛相亂地僻無鹽藥，冷熱互交戰。楚楚出江邊，與疾迎上憲。此時望叔來，如農愁旱暵。間關不可致，思極反成怨。漸與三豎疎，益增案牘難。積弊難驟除，敲扑非素願。莫如革里書，輸糧如魚貫。荏苒荏苒，奸魚鹽近海畔。莫如嚴保甲，什伍制鼠竄。山高多磽田，零祭少澆灌。開河二十里，居民皆稱便。諸事稍就理，離家寒暑變。聞叔近家居，心疾亦非善。營葬力無餘，臨穴生號咷。勉行大事傳，聞俱生羨。送葬幾何人，我敢不親見。從此可南來，同室需纓冠。巾子小，固間誅。茆方一段青，雲壓綠竹衆。鳥呼深間，花百餘本，種樹十餘幹。古碑出草中，去苔辨。宸翰鱗魚兼鹿脯，正當四月半。不見故鄉人，但親僮僕。值寒，此寄西村，何以慰遠宦。

卷二

七

署中寄姊

去年送我秋中路，今歲懷人夏半書。別後孫曾添幾箇，老耽章句定無如。家醅肯換靈江酒，官味難忘泗水魚。爾我同胞俱老大，何時歸臥故山廬。

示倫姪并介

泣上孤城日易昏，常懷姪輩共燈論。泉多鈞突如齊下，酒有稀熬似魯門。葺屋詩成風籜冷，品茶經在霧芽溫。

菟裘他日容吾老東帶西疇識 主恩

寄懷柏村

春筍滿山谷惟君識此理霧茶生童峙煮以東湖水解
帶避上官僕值呼難起白雲似巾幘雙塔落門裏兩晴
夕照多閒鳥啄竹葢種花近蕉根翠重石片紫若無柏
村來誰能爲圖此

山行

榴花白映栗花灘五月椒江尚戒寒絕似龍灣村舍裏
門前老樹挂漁竿
湧泉百道下山椒赤婢邊青稻間藥苗隔岬漁舟天似
水晚風又送海門潮

卷二

山應台垣似列星靈江東去接蒼溟雨晴路轉雲仍在
撲面烟鬟未了青

晚歸

江岬螢流出山根犬吠聲漁喧郭郭近火照稻田明蟹
觸尋常事絃歌未易成年來慚作宰虎患幾時平

華頂歸雲

不是毛女峰誤認蓮花頂倦雲自去來方見天台聲

石梁瀑布

跳珠爭絕澗飛練挂林樾行過石梁間春山一半雪

桃源春曉

深嶼晴烟歇日晶紅滿壑不見種桃人桃花自開落

雙澗迴瀾

雙澗水如環方折定有玉靜聽反無聲清猿泣林木

赤城樓霞

昨過赤城山塊然頑石耳聞有古仙人日落烟光紫

螺溪釣艇

螺溪青不斷百折喬木下舟來雲深處人是釣魚者

寒巖夕照

落日亂峰影崦嵫相背黑人家老樹疎風葉寒滿格

瓊臺夜月

高臺接帝居明河不可渡時有步虛聲飛入雲中去

清溪落雁

雙橋臥平沙霜降水光好一聲寒雁下盡是北來鳥

斷橋積雪

兩岬橋不通千年自相隔雪深樵不來定餘狐兔迹

雜興

別時楓樹正經秋近渡曹娥是舊遊一入山城旋臥病
任他官舍小如舟東湖波靜樵夫月北固嵐深佛子樓

寄語東山諸酒伴漫翁常有未歸愁

樓高灌木轉春禽寄客東南意不禁人半負鹽山路險

船仍運米海波深葛花蔓路白雲嶺溪鳥引雛烏柏林

敢把微官計難易四箴常凜小臣心

巾山一片曉蒼蒼門外風吹柳數行每憶城南沽酒出